

Хаврин тәрәг цугтнь зябь газрт тәрдгәр белдхмн

Мана республикин колхоз-мудар болн совхозмудар, ирх джилә тәрәнәс бодм сән ургъц авхин төлә, эн намр 253 мингън гектар газрин агъуд зябь хагългддж белдгдх зөвтә. Эн ик чинртә тәр. Болв, Хальмг АССР н селәнә эдл-ахун Министерствин сводкар болхла, 1953 джилә ноябрь сарин 1-шин күртл зугл 115 мингън 696 гектар зябь хагългдв, әс гидж 45,5 процент кұцәгдв.

Зябьд хагългдсн газрар тәр-гдсн тәрәнәс эн джил йилгъ-ән сән ургъц авсн дамшлтан тоолдж Юстинск района сов-мудин механизатормуд, селәнә эдл-ахун специалистнр болн цуг кұч-көлсчнр намрин сән цаг олзддж, зябь хагъл-лгънд бәәсн техникән цугта-гъинь орцулдж, зябь хагъл-лгъна зурагъан 328 процент күргддж кұцәцхәв.

Целинн района эдл-ахус 22 мингън 526 гектар газр зябь хагълдж, зурагъан кұцәлгъ-ирн Хальмг республикдан койрдгч орм эзддж йовцхана. Деер келгдсн хойр района зәрм эдл-ахусин кұч-көлсчнр хаврин цуг тәрәгъән зябь газ-рар тәрхмн гидж, шундж кбдлджәцхәнә.

Гуунәр хагългдсн зябь икл чинртә—намрин хур-чийгәс, үвлин цаснас болн хаврин хур-чийгәс бәйдән сәәнәр ус шингәджд авна, хаврин тәрә-нд харш бвсн-ургъмлин үнд-синь таслдж цеврлнә. Тегәд чигн зябь газрт тәргдсн тәрән сән ургъц бгнә.

Улгүрн, Приозерн райоча „Сухотинский“ совхозд бн-грсн джилә намрин сән цаг олзддж, гуунәр хагълсн зябьд эн джил, 400 гектар газрин

агъуд эрдни-шишә тәргдлә, туунә ургъцнъ йирин хаврар хагългддж тәргдсн эрлни-ши-шән ургъцас 1,5 холван ик болдж, йир цевр сән болв.

Яшалтинск района колхоз-мудин болн совхозмудин кұч-көлсчнр эн джил зябь газрт тәргдсн ичмәнә, эрдни-шишән болн зармин ургъц чигн сән болдж, хаврар хагългддж тәр-гдсн газринәс 15-20 процент ббдән ургъц авгдв.

Намрин зябь хагълдж, ирх хаврин тәрәнә газрт белдлгъ-нд мана колхозмудин болн совхозмудин кесг механизатормуд кбдлмш кедж йовц-хана. Теднә тоод Сарпинск района, „Путь Ленина“ кол-хозин шунмгъа тракторист Ур Иван Ковальский зябь хагъл-лгъна бдрә кемджәгъән данъ-гин давулдж, сән чинртәгъәр кұцәнә.

Болв, зәрм райодин эдл-ахусин гардачнр зябь хагъл-лгънд ик оныган бгчәхмн уга. Теднә тоод, Приютненск рай-она колхозмуд болн совхоз-муд зуг 5 мингън 538 гектар газрт зябь хагълд, джилә зурагъан 27,6 процент кұцәв. Туунәс муугъар Элст балгъс-на колхозмуд болн „Буратин-ский“ совхоз зябь хагълдж йов-на. Эдч хагългдх 21 мингън гектар газрас зугл 4-хч мингъ-гън 397 гектар газрин агъуд зябь хагълдж, әс гидж зурә-гъан 20,8 процент кұцәцхәв.

КПСС-н райкомс болн рай-она кұцәгч комитетс, зябь хагъллгъна тәрт ик оныг бгч, эн кбдлмшиг сулдхл уга цааран-днъ чигн чангъгәджд, хаврин тәрәг цугтнь зябь газрар тәр-хд белдвр теткх зөвтә.

К. САНДЖИЕВ.